

Broj: 04-05-1-851/17

Sarajevo, 16.06.2017. godine

SAOPĆENJE POVODOM ZAVRŠETKA FINANSIJSKIH REVIZIJA KORISNIKA BUDŽETA FBiH ZA 2016. GODINU

U skladu sa Godišnjim planom i programom rada Ureda za reviziju institucija u FBiH za 2017. godinu, obavljene su revizije 19 korisnika Budžeta FBiH, koje su obavezne godišnje revizije u skladu sa članom 11(1) Zakona o reviziji institucija u FBiH („Sl. novine FBiH“, br. 22/06). Izvještaji o finansijskim revizijama dostavljeni su revidiranim subjektima, Parlamentu Federacije Bosne i Hercegovine, Vladi Federacije Bosne i Hercegovine, Predsjedniku Federacije Bosne i Hercegovine i Federalnom ministarstvu finansija. **Ukupan budžet za 2016. godinu 19 korisnika Budžeta FBiH iznosio je 2.304.034.228 KM.**

Kao i prethodnih godina, finansijska revizija obuhvatila je reviziju finansijskih izvještaja kao i usklađenost finansijskih aktivnosti, informacija i transakcija sa zakonskim i drugim propisima. Značajna promjena u odnosu na prethodnu godinu za korisnike revizorskih izvještaja je davanje dva mišljenja u Izvještaju o finansijskoj reviziji, i to: mišljenje o pouzdanosti finansijskih izvještaja i mišljenje o usklađenosti aktivnosti, finansijskih transakcija i informacija iskazanih u finansijskim izvještajima sa zakonskim i ostalim propisima.

Data su mišljenja o pouzdanosti finansijskih izvještaja i to: 10 pozitivnih, 2 pozitivna sa skretanjem pažnje, 5 s rezervom i 2 s rezervom sa skretanjem pažnje, te mišljenja o usklađenosti: 2 pozitivna, 4 pozitivna sa skretanjem pažnje, 8 s rezervom i 5 s rezervom sa skretanjem pažnje (detaljan pregled dat u prilogu).

U cilju otklanjanja utvrđenih slabosti, nepravilnosti i nedostataka u izvještajima za 2016. godinu dato je ukupno 395 preporuka.

Na osnovu obavljenih revizija, utvrđen je napredak po pitanju finansijske discipline budžetskih korisnika, i to u najvećem dijelu kod tekućih troškova odnosno izdataka za materijal i usluge (putni troškovi, reprezentacija, troškovi telefona), kao i kod vršenja nadzora nad namjenskim utroškom sredstava.

Slabosti koje se ponavljaju odnose se na sistem internih kontrola (donošenje i primjena internih akata; planiranje i realizacija transfera; zaključivanje ugovora o djelu i isplaćivanje naknada za rad komisija; ne evidentiranje obaveza na propisanim pozicijama) kao i na funkcionisanje interne revizije koja na nivou Federacije BiH nije uspostavljena na zadovoljavajućem nivou.

Obzirom da se ove revizije obavljaju svake godinu u kontinuitetu, procjena postupanja po preporukama datim u izvještajima za prethodnu tj. 2015. godinu predstavlja realnu ali nezadovoljavajuću sliku. Od datih 343 preporuke za 2015. godinu, utvrđeno je da potpuno i djelimično postupanje po datim preporukama iznosi 46%. Date preporuke ukazuju na slabosti i nepravilnosti u upravljanju i raspolaganju javnim sredstvima. Kako se utvrđene nepravilnosti često ponavljaju, od suštinske važnosti bi bilo da se ubuduće riješe navedeni problemi što bi prevashodno uticalo na unapređenje transparentnosti, zakonitosti i namjenskog trošenja javnog novca.

Do 31.05.2017. godine, također su izvršene revizije Federalne uprave za geodetske i imovinsko prave poslove, Federalnog agromediterranskog zavoda, Federalnog hidrometeorološkog zavoda, Vrhovnog suda FBiH, Sudske policije i Fondacije za održivi razvoj – Odraž.

Ostale revizije obavljaju se u skladu sa Godišnjim planom za 2017. godinu, a izvještaji će biti sukcesivno objavljeni po okončanju. Svi objavljeni izvještaji dostupni su na web stranici Ureda za reviziju: www.vrifbih.ba.




GENERALNI REVIZOR

Dževad Nekić, dipl.oec.

PRILOG

1. Struktura datih mišljenja korisnicima Budžeta Federacije BiH za 2016. godinu



2. Pregled datih mišljenja i broja preporuka za korisnike Budžeta Federacije BiH za 2016. godinu

Rd Br	Obavezne revizije korisnika Budžeta Federacije BiH	Budžet za 2016. godinu (KM)	Mišljenje o finansijskim izvještajima	Mišljenje o usklađenosti	Broj datih preporuka za 2016. godinu
1.	Parlament FBiH	15.540.546	S rezervom	S rezervom, sa skretanjem pažnje	39
2.	Ured predsjednika i dva potpredsjednika FBiH	3.317.310	Pozitivno	Pozitivno, sa skretanjem pažnje	21
3.	Vlada Federacije Bosne i Hercegovine	11.455.786	Pozitivno	S rezervom	28
4.	Federalno ministarstvo unutrašnjih poslova	8.853.480	Pozitivno	Pozitivno	7
5.	Federalno ministarstvo pravde	9.526.912	Pozitivno	S rezervom, sa skretanjem pažnje	29
6.	Federalno ministarstvo finansija	1.177.942.180	S rezervom, sa skretanjem pažnje	S rezervom	30
7.	Federalno ministarstvo energije, rudarstva i industrije	27.002.241	S rezervom	Pozitivno, sa skretanjem pažnje	11
8.	Federalno ministarstvo prometa i komunikacija	31.428.479	Pozitivno, sa skretanjem pažnje	S rezervom, sa skretanjem pažnje	17
9.	Federalno ministarstvo zdravstva	35.916.901	Pozitivno	S rezervom	18
10.	Federalno ministarstvo trgovine	1.588.445	Pozitivno	Pozitivno	6
11.	Federalno ministarstvo prostornog uređenja	6.048.318	Pozitivno, sa skretanjem pažnje	S rezervom	14
12.	Federalno ministarstvo poljoprivrede, vodoprivrede i šumarstva	73.524.501	S rezervom	S rezervom, sa skretanjem pažnje	21

13.	Federalno ministarstvo za pitanja boraca i inval. od-osl. rata	334.260.976	Pozitivno	S rezervom	35
14.	Federalno ministarstvo razvoja, poduzetništva i obrta	58.827.067	Pozitivno	S rezervom	21
15.	Federalno ministarstvo rada i socijalne politike	456.365.949	S rezervom	S rezervom, sa skretanjem pažnje	26
16.	Federalno ministarstvo kulture i sporta	10.444.084	S rezervom	S rezervom	30
17.	Federalno ministarstvo raseljenih osoba i izbjeglica	26.051.197	Pozitivno	Pozitivno, sa skretanjem pažnje	10
18.	Federalno ministarstvo obrazovanja i nauke	8.730.345	S rezervom, sa skretanjem pažnje	Pozitivno, sa skretanjem pažnje	12
19.	Federalno ministarstvo okoliša i turizma	7.209.511	Pozitivno	S rezervom	20
Ukupno:		2.304.034.228			395

3. Procenat postupanja po preporukama za 2015. godinu

